



Inatsisartuni ilaasortat

Pingasunngornermi 18. november 2015-imi nalunaaquttap akunneranut apeqqarissaarfiusumut malitsigitat

Brevdato: 30-11-2015
Sag.nr. 2015-15833.
Dok. nr. 6261884

Asasakka Inatsisartuni ilaasortat,

Matumuuna apeqqutinut pitsaasunut soqutiginnilluarnemillu tunngavilinnut, pingasunngornermi 18. november 2015-imi nalunaaquttap akunnerani apeqqarissaarfiusumi saqqummiunneqartunut qujarusuppunga.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Inersuarmit apeqqutit ilaat itisiliiffiusumik akisariaqarput, taamaattumillu allakkatigut akissuteqarniarlunga neriorsuutigaaara. Apeqqutit uku allappakka:

Inissiani kiassarnermut akiliisitsigallarnissaq inerteqqutaanngila, imaluunniit immikkut akiliisitsisoqartussaava?

AKISSUT: Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq imermut, kiassarnermut il.il. akiliisitsisarneq pillugu maleruagassanik imaqarpoq. Maleruagassat taakku kapitali 6-imi, § 41-miit 44-mut allassimapput. Tassani allassimavoq, attartortitsisoq kiassanermik imermillu attartortumut pilersuisuusimappat, qaammammut ineqarnermut akiliutit aqutugalugit akiliisitsigallartoqartussaavoq, aammalu attartortitsisoq tamanna pillugu immikkut ittunik naatsorsuusiortussaavoq. Taamaattumik imermut kiassarnermullu akiliisitsigallarnissaq inerteqqutaanngilaq.

Eqqaavissuit pillugit apeqqut

AKISSUT: Eqqagassalerineq (eqqaavissuit), eqqaavissuarni ikuallaasarneq uumasullu ajoqutaasut (tulukkat terianniallu) pillugit apeqquteqartoqarpoq. Apeqqut Avatangiisinut, Pinngortitamut Inatsisinillu Atuutsitsinermut Naalakkersuisumut akisassanngorlugu ingerlateqqippara.

Pisortatigoortumik neqerooruteqartitsinermi AP95 malinneqarneq ajortoq, aammalu suliassanik tunniussinermi kammalaatersorneq tunngavigneqartartoq ilumoorpa?

AKISSUT: Pisortat sanaartugassaataat sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq, kingusinnerusukkat allannguuteqartinneqartoq malinneqartarpoq. Inatsimmi allassimavoq, suliassanik tunniussinissaq kinaassusersiunngitsumik, piviusorsioortumik immikkoortitsiviunngitsumillu pissasoq, aammalu neqerooruteqartut akornanni assigiinngitsisoqassanngitsoq. Tamatuma

saniatigut inatsimmi § 7, imm. 4-mi allassimavoq, neqerooruteqartitsineq AP95 naapertorlugu ingerlanneqassasoq.

Immap naqqatigut kabelip Narsamut aqqusaartinneqarnissaa eqqarsaatigineqarsimava?

AKISSUT: Immap naqqatigut kabelip Narsamut tallineqarnissaanut aalajangersimasunik pilersaaruteqartoqanngilaq.

Immap naqqatigut kabelip Qasigiannuanut Aasiannullu tallineqarnissaanut pilersaaruteqartoqarpa?

AKISSUT: Immap naqqatigut kabelip tallineqarnissaanut atatillugu, immap naqqatigut kabelip Maniitsoq aamma Sisimiut aqqusaarlugit Aasiannut tallineqarnissaa maannamut pilersaarutaavoq. Iluliarsuit peqqutigalugit immap naqqatigut kabelip avannamut tallineqarnissaa pitsaanngimmat, Aasianniit Qasigiannugit aqqusaarlugit Ilulissanut radiokædemik sukkaasuumik immap naqqatigut kabelimut toqqaannartumik attaveqarnerup sukkaqataanik pilersitsisoqassaaq. Kiisalu illoqarfinni immap naqqatigut kabelimut attavilerneqartussani aqqusersuutit pisinnaasaat qaffatsinneqassapput, taamaalilluni innuttaasut immap naqqatigut tamakkiisumik iluaqutigisinnaassammassuk. Tamatuma saniatigut radiokædep Uummannamiit Upernavimmut tallineqarnissaa naatsorsuutigineqarpoq.

Sanaartornermut Ataatsimiititaliap qanittukkut nalunaarasuartaateqarnermi attaveqaatinik alliliinissap killiffia pillugu aamma apeqquteqarpoq, maannarpiarlu akissuteqarnissamut TELE-POST-imit isummersuutit allaffeqarfimmiit utaqqineqarput. Killiffiit pillugit paasisaqartoqariapat Inatsisartut erngerlutik annertunerusumik tusarlerneqassapput.

Immap naqqatigut kabeli lyslederkabeliua, aamma Kalaallit Nunaata kujataani alliliinermi TELE-POST Nukissiorfiillu suleqatigiissinnaappat?

AKISSUT: Immap naqqatigut kabeli pioreersoq Islandimiit Qaqortumut ikaartinneqartoq, tassangaanniillu Nuummur Canadamullu ingerlateqqinneqartoq lyslederkabeliuvoq. Kabeli 2009-meersuuvoq aammalu sulii ukiuni amerlasuuni atasinnaalluni. Immap naqqatigut kabelimut tallissutissatut eqqarsaatigineqartoq aamma lyslederkabeliussaaq.

TELE-POST-ip aamma Nukissiorfiit suleqatigiinnerisigut, Kalaallit Nunaata kujataaniinnaanngitsoq, aammali Kalaallit Nunaat tamakkerlugu, suliat assigiinngitsut ataatsimut sunniutigisinnaasaanik misissuineramik aallartitsissaanga.

Kangerlussuarmi mittarfik pillugu apeqqutinut assigiinngitsunut akissut

AKISSUT: Mittarfeqarfiit Naalakkersuisut sinnerlugit Kangerlussuarmi aningaasaleeqqinnissamut pisariaqartitanut aningaasartuutissanik naatsorsuisimavoq. Tamatumunnga Mittarfeqarfiit mittarfimmut, mittarfiup illutaata saavanut, taxiways-inut, Mittarfeqarfiit illuutaannik piorsaanermut, imermik pilersuinermut, kiassarnermik pilersuinermut aammalu tankeqarfimmut

anigaasaleqqiinnissamut anigaasartuutissatut pisariaqartinneqartut pillugit naliliinerat tunngavigneqarpoq.

Misissuinerneq uppersaatissanullu tunngavissanik, missingersuutit uppersarneqarnerinik naammassartuutississussanik amerlanerusunik pissarsiniarnermi Naalakkersuisut Mittarfeqarfiit suleqatigaat.

Tassalu Kangerlussuarmi anigaasaleqqiinnissamut pisariaqartitat atortunik mittarfimmuut tunngasorpianik iluarsaassinissamit annertunerupput. Kangerlussuarmi pissutsit peqquutaallutik atortut avataaniittut amerlasuut mittarfimmik ingerlatsinerneq toqqaannangitsumik attuumassuteqarput, taamaattumillu Kangerlussuaq Kalaallit Nunaannut miffissatut pingaarnertut ingerlaannassappat, taakkununga anigaasaleqqiinnissamut pisariaqartitat pinngitsoorneqarsinnaassanngillat.

Kisiannili atortut tamarmik iluarsaanneqarsinnaanersut iluarsaanneqassanersullu ilimagineqarsinnaanngilaq, siunissami pisariaqartitanut timmisartuusersiaatsinullu naleqqusaasoqartoqartariaqarmat.

Matuma ataani Mittarfeqarfiit naatsorsugaat takutinneqarput:

Sumiiffik	Anigaasat (mio. kr.)
Mittarfik (2810 x 60 m), Mittarfiup Saava Avannarleq aamma Taxiway	646
Mittarfiup Saava kujalleq aamma taxiways-it pingasut tassunga atasut	883
MIT-ip illutaanik piorsaaneq	281
Innaallagissamik pilersuineq	41
Imermik pilersuineq	37
Kiassarnermik pilersuineq	58
Tankeqarfiit	19
Katillugit	1,965

Neriullunga matuma siuliani Inatsisartuni apeqqarissaarnermi apeqqutit saqqummiunneqartut akisimassallugit, oqallinnermut pitsaasumut tunniusimaffiulluartaumullu qujaqqikkusuppunga.

Inussiarnersumik inuullaqqusillunga

Knud Kristiansen